

先秦—清末



《中國野史集成》編委會

四川大學圖書館

編

中國野史集成

錢謙題



巴蜀書社

《中國野史集成》編委會
四川大學圖書館 編

	中
集	國
成	野
13	史

先秦—清末

巴蜀書社

目錄 (第十三冊)

明史紀事本末(八〇卷·全)

同治甲戌仲冬
江西書局開館

自序

通鑑紀事本末者，宋末方輅所撰，一

編而北齊、隋、唐、宋、明之其法以

類相比，附使讀者得理紀事

通鑑政治之得失，實此集與

通鑑並設之有在，之編年則

本而該，決決之班馬之傳志則

開線而導，括括之外之別創而

編公之書，臣仙治及明代通鑑

成書，元董所貢，益其難，故余

感乎此之役，舍

右主之朝風，民就，後廣，博

明史紀事本末
十卷

同治甲戌仲冬
江西書局開雕

自序

通鑑紀事本末者創自建安袁
樞而北海馮琦繼之其法以事
類相比附使讀者審理亂之大
趨迹政治之得失首尾畢具分
部就班較之盲左之編年則包

明史紀事本末

自序

舉而該決比之班馬之傳志則
簡練而櫟括蓋史外之別例而
溫公之素臣也沿及明代迄無
成書蒐釐條貫蓋其難哉余謬
承學政之役念當

右文之朝夙夜兢兢廣稽博采

勒成一編以補前史緬惟高皇
智勇天錫成祖雄姿英毅撥亂
反正風驅電埽可不謂隆焉仁
宣之間網舉目張吏治蒸蒸明
良液洽歌詠太平繼體之休風
也英宗御極耆舊罷政閭閻豎擅

權遂至翠華輕出乘輿北狩自
非樞臣畫謀景帝踐祚則虞淵
之日墜地而已及乎南內奪門
忠直被誅宗社卒賴焉憲宗嗣
服不脩儲怨更加諡號寬身之
仁也乃儉相柄權大璫羅織祈

於登明亦云惡矣孝皇恭仁莊
敬虛懷納諫朝多蓋臣野無兵
革至其晚年尤勤宣問厯選列
辟稱郅理焉武宗巡遊無度寵
任逆瑾晚乃芟除真璠宸濠禍
變旋踵顛而不亡亦其幸爾世

廟藩服入纂綜核察察奸輔蔽
之僅乃獲鋤國體傷矣穆宗守
文俺答封貢乃輟朝日久中旨
竊叢無足數也神皇乘運豫大
豐亨征徭既繁百土叢脞揆厥
亂源所自來爾光宗危懼之餘

克膺大寶善政初舉天命不祐
良足悲也熹廟拱手權歸宦寺
元黃之戰毒流縉紳胚胎禍亡
於斯酷矣懷宗冲齡手翦凶貂
父老喁喁聿觀厥化乃以數乘
陽九寇弄潢池僚案營私將士

明史紀事本末

自序

四

選懦及乎刃及宮闈身殉社稷
則庶幾亡國之正也嗟乎周治
盛於文武漢道大於高光此前
世之所以興隆也孔子傷心幽
厲武侯痛恨桓靈此後世之所
以衰微也綜觀明政何莫不然

昔湯臣進規鑒於有夏姬朝作
諷戒在殷商惟我

皇清開天初造攬勝國之惠逆察
已事之明驗保世滋大母亦於
斯鏡見焉余不敏泛瀾眾家編
綴是書比於九齡之千秋金鑑

明史紀事本末

自序

五

德秀之大學衍義雖材智不逮
亦復竭其愚忠云爾
順治戊戌冬十月提督兩浙學
政僉事豐潤谷應泰譔

明史紀事本末序

編年之史自春王序傳之史自子長而紀事之史古無聞焉然而賈誼賈山借秦為喻千秋金鏡述古作鑒說者謂其言甚類紀事特微焉而不彰略焉而不

明史紀事本末

序

詳故於世罕稱道至有宋袁樞紀事始著自此以來史體遂三分矣夫考一代之統系必在編年尋一人之終始必存序傳若夫捆車載乘至可汗牛充棟集惟尤難衡石一事而散漫百年

之中一事而縱橫數人之手斷非紀事不為功宜其書公卿樂得而為討論朝廷樂得而備顧問也有明三百年事如棼絲若其經營之宏遠續緒之英偉君臣一德而昌上下睽否而亡宦

明史紀事本末

序

寺執柄而孽延數世女戎造妖而禍發盈朝大禮聚訟而思假天饗祖之難盜賊蠭生而思守令險阨之要賈子有云前事不忘後事之師一代興衰之緒實志古者考鏡得失之林也谷子

霖蒼夙有網羅百代之志既膺
簡書督學於浙以其衡文之暇
搜緝明世全史分紀其事得八
十篇復各列為論斷次見於後
閱其紀事而汙隆興廢之故賢
奸理亂之形洞如觀火較若列

明史紀事本末

序

三

眉更讀其論斷諸篇又無不由
源悉委揣情據實賈昌之說故
事歷歷目前馬援之畫山川曲
折具見洵一代良史也

皇

上右文求治博購羣書金繩玉
檢重趼而至行見事畢榮躋挾

中郎之枕秘遇

聖天子止輦諮詢因得從容為過
秦金鏡之詞自附於二賈九齡
之後垂光史冊著美
熙朝余且得簪筆而記其後也
是為序

明史紀事本末

序

四

時

順治戊戌嘉平太子太保武英
殿大學士兼兵部尚書聊城
傅以漸撰

明史紀事本末目錄

卷一

太祖起兵

卷二

平定東南

卷三

太祖平漢

卷四

太祖平吳

卷五

明史紀事本末

方園珍降

卷六

太祖平閩

卷七

平定兩廣

卷八

北伐中原

卷九

略定秦晉

卷十

故元遣兵

卷十一

太祖平夏

卷十二

太祖平滇

卷十三

胡藍之獄

卷十四

開國規模

卷十五

明史紀事本末

削奪諸藩

卷十六

燕王起兵

卷十七

建文遜國

卷十八

壬午殉難

卷十九

開設貴州

卷二十

目錄

目錄

設立三衛

卷二十一

親征漠北

卷二十二

安南叛服

卷二十三

平山東盜

卷二十四

河漕轉運

卷二十五

明史紀事本末

目錄

三

治水江南

卷二十六

太子監國

卷二十七

高煦之叛

卷二十八

仁宣致治

卷二十九

王振用事

卷三十

麓川之役

卷三十一

平浙閩盜

卷三十二

土木之變

卷三十三

景帝登極守禦

卷三十四

河決之患

卷三十五

明史紀事本末

目錄

四

南宮復辟

卷三十六

曹石之變

卷三十七

汪直用事

卷三十八

平鄖陽盜

卷三十九

平藤峽盜

卷四十

興復哈密

卷四十一

平固原盜

卷四十二

以治君臣

卷四十三

劉瑾用事

卷四十四

真鐸之叛

卷四十五

明史紀事本末

目錄

五

平河北盜

卷四十六

平蜀盜

卷四十七

宸濠之叛

卷四十八

平南贛盜

卷四十九

江彬奸佞

卷五十

大禮議

卷五十一

更定祀典

卷五十二

世宗崇道教

卷五十三

誅岑猛

卷五十四

嚴嵩用事

卷五十五

明史紀事本末

目錄

六

沿海倭亂

卷五十六

李福達之獄

卷五十七

大同叛卒

卷五十八

議復河套

卷五十九

庚戌之變

卷六十

俺答封貢

卷六十一

江陵柄政

卷六十二

援朝鮮

卷六十三

平倭拜

卷六十四

平楊應龍

卷六十五

明史紀事本末

礦稅之弊

卷六十六

東林黨議

卷六十七

爭國本

卷六十八

三案

卷六十九

平奢安

卷七十

目錄

七

平徐鴻儒

卷七十一

魏忠賢亂政

卷七十二

崇禎治亂

卷七十三

修明歷法

卷七十四

宦寺誤國

卷七十五

明史紀事本末

中原羣盜

卷七十六

鄭芝龍受撫

卷七十七

張獻忠之亂

卷七十八

李自成之亂

卷七十九

甲申之變

卷八十

目錄

八

甲申殉難

明史紀事本末目錄

九

明史紀事本末目錄

明史紀事本末卷一

提督浙江學政僉事豐潤谷應泰編輯
太祖起兵

元順帝至正十二年閏三月甲戌朔明太祖起兵濠梁太祖之先故沛人徙江東句容爲朱家巷朱季大父再徙淮家泗州父又徙鍾離太平鄉母陳生四子太祖其季也太祖生於元天歷戊辰之九月丁丑其夕赤光燭天里中人競呼朱家火及至無有三日洗兒父出汲有紅羅浮至遂取衣之故所居名紅羅障少時嘗苦病父欲度爲僧歲甲申泗大疫父母兄及明史紀事本末卷一

幼弟俱死貧不能殮槨葬之仲與太祖昇至山麓纓絕仲還取纓留太祖守之忽雷雨大作太祖避村寺中比曉往視土墳起成高隴地故屬鄉人劉繼祖繼祖異之歸焉尋仲又死太祖年十七九月入皇覺寺爲僧逾月僧乏食太祖西至合肥歷光固汝潁諸州道病輒見兩紫衣人與俱病差遂不見嘗夜陷麻湖中遇羣兒呼迎聖駕叱之絕跡崎嶇三載仍還皇覺寺時汝潁兵起騷動濠州定遠人郭子興據濠州元將徹里不花憚不敢進日掠良民邀賞太祖詣伽藍卜問避亂不吉卽守故又不吉因祝曰豈欲予倡義

耶果大吉帝意遂決以閏三月朔入濠州抵門門者疑爲譟執見子興子興奇其狀貌與語大悅之取爲親兵凡有攻伐命之往輒勝子興故撫宿州馬公女爲己女遂妻焉卽高后也軍中咸呼爲朱公子九月元丞相脫脫既破徐州芝麻李遁去趙均用彭早住帥餘黨奔濠脫脫命賈魯追圍之太祖與子興竭力捍守時子興屈己下彭趙遂爲所制彭趙據濠稱王一日執子興於獄太祖曰吾受郭氏深恩可不赴乎遂入子興家明日彭趙聞釋之

十三年春元將賈魯死圍解濠軍士亦多折傷太祖明史紀事本末

卷一

二

雖在甥館每有大志乃歸鄉里募兵得七百人濠人徐達湯和等皆往歸焉

十四年秋七月徇定遠下滁陽時彭趙御下無道太祖乃以七百人屬他將而獨與徐達湯和吳良吳禎花雲陳德顧時費聚耿再成耿炳文唐勝宗陸仲亨華雲龍鄭遇春郭興郭英胡海張龍陳桓謝成李新材張赫周銓周德興等二十四人南略定遠定遠張家堡有民兵號驢脾寨者孤軍乏食欲來降未決太祖曰此機不可失也乃選騎士費聚等從行至定遠界其營中遣二將出大呼曰來者何爲聚恐請益人

太祖曰多人無益滋之疑耳直前下馬渡水而往其帥出見太祖曰郭元帥與尼下有舊聞足下軍乏食他敵欲來攻特遣吾相報能相從卽與俱往否則移兵避之帥許納請留物示信太祖解佩囊與之彼以牛脯爲獻請諸軍促裝且中密約太祖還留繫俟之越三日聚還報曰事不諧矣彼且欲他往太祖卽率兵三百人抵營誘執其帥於是營兵焚舊壘悉降得壯士三千人又招降秦把頭得八百餘人定遠繆大亨以義兵二萬屯橫澗山太祖命花雲夜襲破之亨舉眾降軍聲大振定遠人馮國用與弟國勝率眾

明史紀事本末

卷一

三

歸附太祖奇之曰爾被服若是其儒生耶顧定天下計將安出國用對曰金陵龍蟠虎踞帝王之都願先拔金陵定鼎然後命將四出救生靈於水火倡仁義於遠邇勿貪子女玉帛天下不難定也太祖大悅俾兄弟皆居帷幄預機密焉國勝一名勝又名宗異定遠人李善長來謁留幕下掌書記畫餽餉甚見親信秋七月太祖將兵進攻滁陽花雲爲先鋒單騎前行遇賊數千人雲提劍躍馬橫衝其陣而過敵大驚曰此黑將軍勇甚不可與爭鋒旣戰遂克滁陽因駐師焉朱文正李文忠來歸文正太祖孟兄南昌

王子先同其母避亂與太祖相失李文忠太祖姊曹國長公主子公主卒其父攜文忠走亂軍中幾不能存至是聞太祖駐兵滁陽皆來歸太祖喜甚文忠年十二牽上衣而戲太祖曰外甥見舅如見母也與沐英皆賜姓朱英定遠人父母俱亡太祖見而憐之令高后有之爲子何世隆來降并取鐵佛岡攻三汊河口收全椒大柳諸寨未踰月彭早住趙均用挾子興往泗州遣人邀太祖守盱眙辭勿往未幾二人爭權部曲乘而鬪多創死彭亦中流矢死獨趙均用存并彭故部曲很戾益甚銜子興必欲殺之太祖憂之使

明史紀事本末

卷一

四

人說曰公昔困於彭城南趨濠使郭公閉壁不相納死矣得濠而踞其上更欲害之背德不祥且郭公易與耳其別部在滁者兵勢重可慮也均用悟爲少寬太祖又賂其左右子興乃得帥所部歸滁稱滁陽王時太祖部兵數萬人悉歸之奉其號令居再閱月子興惑讒言悉奪太祖兵又欲收李善長置麾下善長涕泣自訴不肯行自是征討之權太祖皆不得與且日疎遠而事之愈恭有譖太祖戰不肯力者子興信之卽令其人與太祖俱出戰其人出未十步卽被矢反走太祖直前奮擊眾皆披靡徐還了無所傷子興

頗內愧又嘗與三百人出城顧聞鶉鴿聲飛矢墮空中心異之遽還俄而敵兵驟至一無所獲時諸將各有所獻太祖所至禁剽掠有得卽分部下無所獻子興甚不悅馬皇后悉所有遺子興妻張氏張喜由是疑毀漸釋冬十月元丞相脫脫克高郵分兵圍六合六合遣使求救於滁子興故與其帥有隙怒不發兵太祖曰六合破滁不獨存辱齒也可以小憾而棄大事乎子興悟問諸將誰可往者時元兵號百萬諸將畏之莫敢往且以禱神勿吉爲辭太祖曰事之可否當斷於心何禱也於是帥師東與耿再成守瓦梁

明史紀事本末

卷一

五

壘元兵攻之急每日暮壘垂陷詰旦復完壘與戰尋以計給之乃斂兵入舍備糗糧遣婦女倚門戟手大罵元兵錯愕不敢逼遂列陣而出徐引去還滁州旣而元兵復大攻滁太祖設伏澗側令再成佯走誘之渡澗伏發城中鼓譟而出元兵敗走滁得完太祖威名日著子興二子陰置毒酒中欲害之謀泄及期太祖卽與俱往中途遽躍馬起仰天若有所見因罵二子曰吾何負爾適空中神人謂爾欲以酒毒我二子駭汗浹背自此不敢萌害意虹縣胡大海來歸大海長身鐵面智力過人太祖一見語合用爲前鋒

十五年春正月滁師乏糧諸將謀所向太祖曰固守孤城誠非計今惟和陽可圖然其城小而堅可以計取難以力勝向攻民寨時得兵三千號廬州路義兵今精選三千勇敢士椎結左衽衣青衣佯爲彼兵以四橐駝載賞物而馳聲言廬州兵送使者入和陽賞賚將士和陽必納之因以絳衣兵萬人繼其後約相距十餘里候青衣兵薄城舉火爲應絳衣兵卽鼓行而前破之必矣子興從其計使張天祐將青衣兵趙繼祖爲使者前行耿再成將絳衣兵繼後天祐至陟陽關和陽父老以牛酒出迎會日午天祐兵從他道

明史紀事本末

卷一

六

就食誤約再成過期不見舉火意天祐必已進據率眾直抵城下元平章也先帖木兒急閉門以飛橋繩兵出戰再成不利中矢走元兵追至千秋壩日暮收兵還天祐等始至適與元兵遇急擊敗之追至小西門湯和奪其橋而登將士從之遂據和陽也先帖木兒夜遁再成兵旣敗歸謂天祐等已陷沒俄報元兵至滁州遣使招降子興益恐召太祖與謀時兵皆出城中守備單弱太祖命合滁三門兵於南門填塞街市呼使者入叱令膝行見子興子興諭之多失辭眾欲殺之太祖曰殺之彼將謂我怯故滅其口是速之

來也不加恐以大言縱使去彼必憚不敢進子興從之明日元兵果解去子興急屬太祖率兵往收敗卒仍規取和陽太祖率鎮撫徐達參謀李善長及驍勇數十人先進始知天祐已破城據之乃入撫定城中子興屬太祖總和陽兵諸將破和陽暴橫多殺掠城中夫婦不相保太祖惻然召諸將謂曰諸軍自滁來多掠人妻女軍中無紀律何以安眾凡所得婦女悉還之於是皆相攜而去人民大悅太祖旣總和陽兵諸將多子興故部曲未盡心服惟湯和聽命惟謹李善長委曲調護之太祖與諸將分關和陽城諸將

明史紀事本末

卷一

七

工未就太祖作色置坐南向出子興檄呼諸將曰總兵王帥命也非我專擅今磬城皆不如約事何由濟自今違者軍法從事諸將恐唯唯由是皆奉命時元太子禕堅樞密副使絆住馬民兵元帥陳瑄先分屯高望新塘青山鷄籠山等處道梗不通太祖率諸將擊走之元兵乘太祖出復攻和陽李善長督兵擊卻之殺獲甚眾元兵皆走渡江濠州舊帥孫德崖乏糧率所部就食和州子興故與德崖隙聞之怒自滁來和德崖問子興至卽欲他往其軍先發德崖後太祖送其軍出城行三十里忽城中走報滁軍與德崖

軍閫德崖爲子興所執太祖大驚亟呼耿炳文吳楨策騎欲還德崖軍先發在道者忿恨擁太祖行數里遇德崖弟欲加害有張姓者力止之子興聞太祖被留如失左右手急遣徐達往代張姓者復諭其眾歸太祖於是子興亦釋德崖去旣而達亦脫歸三月子興卒太祖併統其軍時劉福通等立韓林兒爲皇帝號小明王改元龍鳳遣人至和陽招諸將檄興子爲元帥張天祐右副元帥太祖左副元帥太祖曰大丈夫寧能受制於人耶不受虹縣人鄧愈來歸愈年十六從父兄起兵父兄戰沒愈代領其眾每戰必

明史紀事本末

卷一

八

挺身破敵軍中服其勇太祖命充管軍總管懷遠人常遇春剛毅多智勇膂力絕人年二十三爲羣雄劉聚所得遇春察其多抄掠無遠圖棄之來歸未至假寐田間夢神人披金甲擁盾呼之曰起起王君來適太祖騎從至卽乞歸附請爲先鋒太祖曰爾飢故來歸耳且有故主在吾安得奪之遇春頓首泣曰劉聚盜耳無能爲也儻得效力於智者雖死猶生太祖曰能相從渡江乎取太平後臣我未晚也太祖駐和陽久謀渡江無舟楫時廖永安永忠俞廷玉與其子通海通源通淵趙伯仲桑世傑張德勝華高等各

率眾泊巢湖連結水砦以捍寇會妖黨左君弼據廬州永安等爲所扼乃遣使問道納款太祖大喜曰此天意也機不可失卽以夏五月親率兵至巢湖永安等迎太祖登舟出湖口至桐城開已脫險然未入江蠻子海牙集樓船塞馬勝河口以阻諸兵屯黃墩會巢湖將趙普勝蓄異志永安等密露其機太祖遂聲言歸和陽取舟同攻蠻子海牙實欲以兵勢挾之旣歸集商人舟載精銳猛士復至黃墩督兵攻蠻子海牙敵舟高入進退不利永安等小舟往來如飛奮擊大敗之時湖口淺涸會大雨連旬水漲遂縱舟至潯

明史紀事本末

卷一

九

陽橋眾恐舟大不能渡比至纔餘分寸永安等遂得入大江從歸和陽遂定渡江之計六月朔太祖帥諸將渡江永安請所向太祖曰采石大鎮備必固牛渚磯前臨大江難爲備禦攻之必克迺乘風舉帆船舳舳齊發頃刻達牛渚太祖先抵采石磯時元兵陣於磯上舟距岸三丈許未能卒登常遇春飛舸至太祖麾之應聲挺戈躍而上守者披靡諸軍從之遂拔采石乘勝徑攻太平元平章完者不花萬戶萬鈞達魯花赤普里罕忽里等棄城遁丙辰克太平路初太祖之發采石也先令李善長爲戒飭軍士榜及入城揭